

KODAK
LICENSED PRODUCT

M

Y

C

KODAK Gray Scale



赤水玄珠

醫案

四十四

武
216
45



中武
卷 216
卷 25



水玄珠醫案新都治驗七卷目錄

子元瘡後沐浴鼻出紅涕面足浮腫一

一婦食積痰飲瘀血流於下部左跨臍腹脹痛二

恒宇令堂右肩筋搐腫痛三

孫君錫頭痛胸背脹飲食作吐咳嗽四

孫尔嘉內人三姪而三小產五

孫薇垣內人咳唾紅痰六

戴萬奇夫中痰後兩手足不能動七

族學人內眷頭痛玉戶撮急肛門逼迫遍身皆疼八

御前錄

七卷

梓林兄內眷右手痛風小水頻迫九

一婦經閉三月洩瀉嘈雜吐酸十

程氏婦下午喉痛痰多暈厥十一

汪錕兄時疫熱病汗出不止十二

何明吾時疫食復不省人事循衣摸床十三

孫元素春溫食復發斑十四

孫安飢勞感疫食復發斑十五

一人喉痛夜卧氣壅面足浮腫十六

何洗心虛寒腎洩十七

程湘孺人鼻衄後眩暈嘈雜嘔吐清水十八

孫君孝春溫誤作陰虛治十九

一僕婦頭疼喉痛咳嗽嘔惡胸膈作脹二十

族侄婦范氏乳癰二十一

表侄女黃氏姪七月患血痢二十二

程氏婦小產後患赤痢二十三

孫竹堃受暑作吐又傷酒麪身黃成疸二十四

程菊泉暑月喘嗽二十五

程應禎兄咳吐紅痰胸背脹痛眩暈二十六

程應禎

虛山內人胸脇脹痛五更嘈雜 二十七

一婦暑月小便不利玉戶腫大便血 二十八

弟婦戴氏臍腹痛白帶如注裏急後重下痢赤白

族弟應童胃脘當心而痛 三十

弟淑南三陽合病暑症 三十一

一富婦轉脬 三十二

文約孺人八十三胃脘疼痛 三十三

應童弟三陽瘡 三十四

程好吾春溫 三十五

程氏婦屍從子戶出 三十六

族子應童之弟十月發三陽瘡 三十七

吳中岳孺人疫後壞症 三十八

鮑子五保時疫耳聾洩瀉 三十九

僕子孫守中麻後咳嗽無痰唇厚聲啞 四十

僕子得貴春溫頭痛 四十一

元素侄令政春溫後經水適止 四十二

朱氏子天送時疾頭疼身若燔炭 四十三

朱桃源內人胃脘痛常苦夢遺經水一月兩至 四十四

桂亭大兄痰積瘀血作癩四十五

熊二官疫後食復四十六

堂弟東里內子咳嗽吐紅四十七

程竹坡內人年六十瘟疫昏憤四十八

程內眷新寡七日染疫適值夢洩神昏譫語四十九

太學從明滯下純血五十

查少川喘後腫脹有發明 五十一

夏益吾肢節腫痛手足彎痛腫尤甚五十二

初陽侄內人肺癆五十三

仲木內人氣喘作脹五十四

侄孫女十歲大便脫肛鼻中出血五十五

唐岩祈患痢赤白腹脹氣喘四肢冷陰囊腫五十六

侄婿程東山患休息痢下皆紫血五十七

陳氏婦腸鳴腹痛合目汗出下午潮熱五十八

九德侄耳鳴五十九

陳覺字上盛下虛合目乳語痰火吼喘六十

程紹溪中年患鶴膝風有發明 六十一

堂嫂程氏喉間有物如嚙咯之不出嚙之不下六十二

一婦產後咳嗽發熱咳出之痰色黑而臭 六十三
表嫂孀居二十年右癱不能舉動神情恍惚亂言
多悲泣 六十四

桂亭大兄墜轎後腰脇脹痛 六十五

堂嫂王氏吐紫黑血塊足跟掀腫痒痛 六十六

目錄終

赤水玄珠醫案新都治驗七卷

明新安生生子孫一奎文垣甫輯

門人 余煌

徐景奇

子 泰來 全閱梓

新都治驗

孫文學子元素多瘡疥近因沐浴鼻涕出紅面足
浮腫汗多左脉大而有力右寸亦大據脉多思

而氣不暢以葛根大腹皮厚朴赤茯苓青蒿澤
瀉白朮鬱金升麻木通滑石黃芩水煎飲之浮
腫消去惟鼻紅尚在口且渴改用當歸芍藥
知母甘草石斛麥門冬五味子山梔子玄參調
理而愈一

一婦因夫荒於酒色不事生計多憂多鬱左膝疼
痛直下於膝小水頻數大便頻併臍腹脹疼口
乾脉之左手數右手弱近又發熱惡寒汗因痛
出時刻不寧此食積痰飲瘀血流於下部足厥

陰之經挾鬱久而痛恐成腸瘕與神効瓜萸散
一帖半夜後痛即減半汗亦尋止次日脰之數
脉稍退小腹堅如石按之且痛再與前藥其夜
環跳穴亦作痛直至於膝小腹稍軟小便仍痛
大便亦未通利仍與前藥每帖用大瓜萸二枚
加牡丹皮莪朮五靈脂金銀朮服下大便利而
熱退痛止小水亦長諸症悉平二
太學恒宇姪令堂仲春右肩筋搐腫痛夜尤甚次
日痛連胛下出臑入曲池且洒淅寒熱以二陳

湯加南星酒苓白姜蚕羌活秦艽歲靈僊服後
至子丑時痛乃減半而筋不搐矣紅腫畧消次
日減去南星加當歸川芎其夜肩痛又逆減但
一夜不睡口乾舌硬用川芎當歸防風秦艽甘
草歲靈仙白姜蚕酒苓白芍藥服此熱全退痛
全減飲食始進以人參川芎白芍當歸甘草秦
艽姜蚕防風陳皮調理良安三
族姪孫君錫頭痛胸背脹飲食下噁便吐咳嗽不
往口痰濁如膿大便結燥脉之獨右寸洪大以

二陳湯加竹茹滑石石膏酒連麥冬連進四劑
夜與益元丸兼服而嗽吐俱止惟痰濁如膿色
且腥氣觸人此將欲作肺癰改用牡丹皮麥門
冬山梔子甘草貝母枳殼桑白皮紫苑知母當
歸生地黃桔梗四帖全安四
姪孫爾嘉內人三孕而三小產六脉滑數迺氣虛
血熱也由其熱故多滑下因其血頻下心甚恐
怖終日偃卧畧不敢起身稍起血即大下與生
地黃白芍藥白朮地榆桑寄生續斷甘草升麻

椿根白皮黃栢條芩服之而血三日不來惟白帶綿及下過五日後因有不得已事起身稍勞血又大下予謂血滑已如水行舊路若不溢之必不能止又思血海甚熱亦肝風所致防風子芩丸正與病對宜製與之又製白芍藥六兩側栢葉條芩各三兩防風椿根白皮各二兩蜜丸服之從此血止胎安足月而產一子此後連產三子並無胎漏之患後遇胎漏通用此法莫不良已附告同志以便取用

鴻臚薇垣姪內人喉中揪痒咳唾紅痰兩寸關洪大內熱生瘡山梔子小薊生地牡丹皮滑石青皮麥門冬甘草黃連瓜蒌水煎飲之而血止嗽除後遇勞心即咳嗽喉中血腥總由上焦熱盛而然以枇杷葉山梔子生地白芍藥甘草牡丹皮地動蜂天荅粉滑石紫苑常服三五劑兩月而安

戴萬奇夫中痰後而右手不能伸動與之牛胆南星陳皮茯苓甘草天麻姜蚕黃連木通石菖蒲

防已服後手稍能動。惟左邊頭痛。喉舌俱痛。大便秘結。三日一行。又與川芎、荆芥、玄參、桔梗、柴胡、酒、芩、蔓、荊、子、甘、草、杏、仁、枳、殼、水煎飲之。諸症悉減。但下午體倦。右邊頭微痛。後又為怒氣所觸。舌掉不言。頭復大痛。與連翹、甘草、山梔子、薄荷、石菖蒲、遠志、木通、麥門冬、五味子、白芍藥、黃栢調理而愈。七

元卿文學內人頭痛。遍身痛。前後心兩乳皆脹。玉戶撮急。肛門逼迫。大便三日未行。口乾。因火拂

意事而起。下午發熱。但瘧惡心煩躁。不寧而時當盛暑。迺怒氣傷肝。挾暑熱而然。以石膏三錢。青皮、柴胡、枳殼各一錢。半夏、麩、黃、芩各八分。甘草、桔梗各五分。夜與當歸、龍會丸下之。大小便皆利。熱退而諸症悉減。惟畧惡心。與青脾飲兩帖。全安。八

梓林兄令眷。右手痛風。小水頻迫。起身稍遲。即出不禁。是有浮氣。年過六十。右寸關脈濡弱。左手和此脾虛停濕之症。近且咳嗽。用六君子湯加

蒼朮石菖蒲遠志大附子晚蚕沙倍加薏以仁
緩治而平九

一婦經不行者三月大便瀉腹脹嘈雜吐酸水時
下白帶常惡心自以為有孕予脉之候非有孕
迺脾經有濕熱心經有瘀血症也與二陳湯加
白朮澤瀉猪苓酒連木通吳茱萸滑石麦芽山
查瀉止腹寬經行腰腹作痛以川芎三錢當歸
五錢香附丹參菝仁各一錢水煎服之經雖行
口中吐出黑血水甚多且亦有如膿者改用四

物湯加牡丹皮丹參桃仁紅苓山梔滑石調其
兩月而痊十

姪婦程氏下牛喉痛近來痰多暈厥一日二三發
頭痛面赤素未生育左脉絃大右寸關滑大有
力以荆芥薄荷甘草桔梗玄參姜蚕柴胡枳壳
竹茹貝母水煎飲之連進二帖其夜得睡惟背
脹忡忡痰猶不清面多熱用黃芩枳壳甘草桑
白皮地骨皮天苓粉玄參前胡半夏麩橘紅山
梔仁調養而平十一

汪銀兄時疫熱病被發汗過度熱留胸中煩燥不止嘔惡不安汗竟不斂口且渴脉之獨兩關洪大此陽明之熱尚在當以白虎生脉湯為主石膏五錢知母三錢人參白芍藥甘草石斛各一錢麥門冬二錢五味子十五粒急煎飲之而熱退繼以益元丸服之而吐亦安十二

何明吾時疫食復大便不通嘔惡內熱昏憤不省人事或作夢語循衣摸床此熱在心包絡經以竹茹麥冬知母山梔各一錢陳皮半夏麴酸東

仁枳實各八分甘草三分服之至夜半人事稍清餘熱未散用石膏三錢知母二錢竹茹麥門冬生酸枣仁各一錢天荅粉陳皮各七分枳實麥芽半夏麴各六分水煎飲之下午大便行而熱退諸症悉愈十三

痰涎元素春溫頭痛發熱左脉絃大右洪大以小柴胡合白虎湯二帖而愈迺為食復發斑色紫神昏人事不省身重不能轉動即水火皆不自知合目鼾睡形如醉人面赤發熱舌胎外黃內

黑皆有芒刺。三日後予至，脉之六部俱浮洪，以三黃石膏湯加枳實蟹甲進之，稍得微汗，大便如有真糞，次日絕開目，言語乃進粥，一盞改以小柴胡湯加山梔枳實蟹甲白芍藥調理而愈。十四

僕子孫安，室晨出門，途次食麵三椀，飢勞感疫，因麵內傷，表裏皆熱，及至績溪衛中，昏悶，謔語，頭痛，身疼，腹痛，醫不察為勞倦感疫，遽以遇仙丹下之，大便瀉三四十行，邪因陷下而為挾熱下。

利之候，急歸視之，舌沉香色，額疼，口乾燥，渴煩悶，昏又憤，又脉左絃數，右洪數，但不克指知為誤下壞症。以柴胡石膏各三錢，白芍藥黃芩竹茹葛根各一錢，天荅粉甘草各五分，山梔子枳實各七分，葱白五莖，水煎服之。後半夜吐，就一條，乃稍得睡。次早大便猶瀉，二次嘔吐酸水，腹仍痛，改用小柴胡加滑石竹茹，夜熱甚，與絲瓜汁一碗飲，既神頓清爽，必頃藥力過時，煩熱如前，再以絲瓜汁一大椀進之，即大發戰，予謂此。

戰非寒戰乃作汗之徵耳不移時汗果出而熱
猶然憶活人書云再三汗下熱不退以人參白
虎湯加蒼木一錢如神迹此再加玄參升麻柴
胡白芍藥黃連飲後身上之斑先發者熱後發
者紅中夜後乃得睡而熱散斑尋退去腹中微
疼腸鳴口渴右脉尚滑左脉已和再與竹葉石
膏湯加白芍藥蒼木服後睡安腹仍微痛用柴
胡芍藥各一錢人參酒苓陳皮半夏各六分甘
草三分烏梅一枚服此腹痛漸減精神駸長

矣惟兩膝痛不能轉動此大病後汗多而筋失
養之故宜當補益人參黃芪白芍藥桑寄生枸
杞子薏以仁桂心牛膝熟地黃水煎服後加水
瓜黃栢當歸減去桂心調養而痊十五
一人喉疼夜臥氣雍不能伏枕痰嗽不出遍身生
瘡面足皆浮夜間發熱睡醒多出冷汗此由脾
經有濕熱水氣不利而然薏以仁款冬苓陳皮
貝母前胡蘿蔔子桔梗桑白皮茯苓甘草服此
喘嗽大定乃得伏枕惟下體腫脹不消且膚皮

緊硬小水黃動作則頭眩用大腹皮茯苓皮陳
皮桑白皮五加皮生姜皮木瓜姜黃四劑而消
十六

善易數者何洗心每飲食稍冷饘粥或稀必作脹
瀉理脾之劑歷試不瘳就予診之左三部皆濡
弱右寸亦然關滑尺沉微此下元虛寒所致法
當溫補以補骨脂杜仲兔絲子各二錢山茱萸
肉人參山藥各一錢白茯苓澤瀉各八分肉果
五分數劑而愈十七

程湘孺人孫氏鼻衄後眩暈嘈雜嘔吐清水夜卧
不安腹中飢而食不下萬由脾虛肝胆有鬱火
也以人參黃連白朮扁豆甘草陳皮半夏竹茹
茯苓石膏水煎調養而平十八

姪君孝後溪兄次子也三月患頭項痛腰脊強遍
身如被杖臍腹亦痛口渴不寐飲食不進六脉
浮數吳醫以為陰虛為滋陰降火三投而三劇
反加嘔惡又與疎通熱尤不退下午煩亂延方
和宇大視之以為外感擬進人參敗毒散吳爭

之謂陰虛體弱難再汗仍用四物湯加柴胡葛根薄荷黃芩知母而熱如焚神且昏冒矣予時遠出促歸診之六脉浮絃而數鼓指語之曰此春溫症也方診良是因復加內傷以故病劇滋陰之劑壅而作滯且引邪入於陰分宜乎熱加而躁悶也法當清解兼消可愈無傷以二陳湯加羌活柴胡防風麦芽山查服下得微汗熱退其半惟下午作潮大便未行腰膈之痛不止用小柴胡湯加葛根白芍藥青皮黃連山查飲下

熱又少退大便已行腰膈之痛亦隨減去但不
知餓再以柴胡甘草青皮枳實麦芽知母黃芩
白芍藥諸症悉平惟覺體倦乏力加入參白扁
豆薏以仁減去柴胡青皮調養而痊十九
一僕婦頭疼喉嚨痛咳嗽嘔惡吐痰胸膈作脹經
水適來身熱口乾此少陽經痰火症也用柴胡
為君半夏白芍藥竹茹為臣葛根天荅粉橘紅
桑白皮黃芩知母為佐甘草桔梗為使一帖微
汗而熱散痛除惟痰嗽不轉小水短瀉柴胡知

母竹茹麥冬各八分。白芍藥一錢。滑石三錢。黃芩貝母桔梗各七分。五味子十二粒。甘草三分。一帖而瘳。二十

族侄婦范氏。大叅晞老女也。素有痰涎。胸腹痞脹。近因乳腫。大發寒熱。欲成癰毒。以加味神效瓜萸散二帖。寒熱雖退。而腫不消。用貝母白芷為臣。瓜萸為君。赤芍藥當歸連翹為佐。青皮甘草柴胡為使。痛雖減。而腫仍不消。脈之近數。知已成膿。乃與內托十宣散。加金銀花蒲公英。兩帖

而膿潰。因脚上生瘡。而有浮氣。前方去蒲公英。金銀花。加蒼耳子。調理全安。二十一

表姪女黃氏。孕已七月。患赤痢。腹痛後重。體素弱。舉家甚憂。以白芍藥三錢。條芩一錢。伍分。白木地榆各八分。甘草三分。二帖而愈。後五日。報云。因稍勞。痢又復來。教以當歸三錢。川芎一錢半。真阿膠二錢。艾葉三分。一帖全瘳。二十二

一程氏婦。吾孫門女也。小產後二十日矣。患赤痢。一日十餘次。怯寒惡食。小腹脹痛。胘之右寸滑

大知其虛中有熱。憶其惡露未盡。故小腹脹痛。專科泥丹溪產後大補氣血之語。繁施之。因而作痢。乃翁曰。病尚怯寒。何云有熱。予曰。書云。惡寒非寒。明是熱症。由熱極而假水也。飲藥後。當自知之。以白芍藥當歸滑石為君。桃仁酒芩酒連為臣。木香桂皮枳即為佐。青皮為使。服下果去臭黑瘀血甚多。小腹頓寬。惟口乾小水少。惡心怕飲食體倦。仍裏急後重。人參川芎白芍藥各一錢。當歸一錢五分。酒連陳皮各六分。木香

二分。外與清六丸服下。熱除痢減十之八矣。大便不實。惡心虛弱。以四君子湯加酒炒白芍藥陳皮木香肉果酒連當歸養之而平。二十三孫竹塹游歸途次。受暑。又為酒麪所傷。因而作吐。胸膈痞悶。時師以消導之劑。燥動脾火。口渴嘈雜。躁亂不寧。目珠如金。一身盡黃。已成疸症。脘獨右寸脉滑大有力。先以溫胆湯倍加香薷滑石葛根解暑止吐。為君。黃連麥門冬清熱止渴。為臣。使濕熱散而黃自瘳也。連與三帖。吐止食

進以滑吾若對此症
代蘧子以紫蘧代麻
黃以前胡何者以星月
喘嗽外有風寒也

新書七卷

進黃亦定矣。再與五苓散加青蒿葛根滑石黃
連枳實八劑而黃釋然。二十四

程菊泉。暑月患喘嗽。咳連聲。濃痰滾滾。行動則
喘促不寧。夜分口渴。胸膈脹悶。兩寸脈滑而數。
西關絃。此肺有宿痰。膽有鬱火。內經云。火鬱發
之。又云。風寒外束者。可發用紫蘧子半夏麩杏
仁各一錢。石膏二錢。欵冬。冬來白皮各八分。桔
梗枳壳各五分。麻黃三分。服下無進退。改以杏
仁陳皮人參貝母欵冬。冬來門冬各七分。薏以

先云杏仁陳皮此又云
陳皮六分彼此恐有誤

仁一錢五分。桔梗知母各五分。五味子十一粒。
桑白皮一錢。陳皮六分。服下痰減大半。胸膈仍
不舒。口仍乾。脚仍熱。前方減去欵冬。冬來五味子
加枳壳葶藶子兩帖。全安。二十五

程應禎兄。胸膈背心時常脹疼。頭眩暈。脚軟弱。手
指痛咳。吐紅痰。脈左關絃大。右寸關滑大。
予謂此食飽後感於怒。老痰瘀血積在上焦。宜
其胸背脹疼而熱壅也。治當清化上焦。使新痰
不生。宿痰磨去。則萬全矣。如落時套用地黃山

新書七卷

廿四

茱萸等滋陰降火之劑是以滯益滯則熱無由
去痰無由消而痰益增不去也病者聞言愕然
曰未見公時業已服過一月久矣疑其飲食損
而熱尋加胸背痛脹迺長哉予曰今反轍幸早
耳再遲則敗事亟以青皮枳殼陳皮快其氣而
疎其壅滯蓋痰隨氣行也貝母桑白皮以消餘
痰而清其嗽牡丹皮滑石桃仁消其瘀血山梔
仁開鬱清熱白芍藥伐肝補脾甘草調和諸性
緩而理之當見其去泰去甚也別後半月復書

報云胸背之脹減三之二血已十日止矣痰
舊改以山梔仁牡丹皮丹參赤芍藥桃仁各八
分滑石三錢五靈脂當歸尾各一錢半夏麩青
皮各六分諸症悉去獨足心熱再以黃柏知母
以仁牛膝甘草白芍藥茯苓陳皮貝母石斛牡
丹皮調之如初二十六

虛山內人胸脇脹痛五更嘈雜每一嘈雜則痛發
更甚左寸關脈洪滑右關亦然此肝胆有鬱火
胃中有膠痰迺有餘之疾內經云木鬱則達之

蓋木火之性貴乎踈通當以龍會丸條而達之
顧痛則不通通之則不痛也服龍會丸一錢五
分大便行一次痛隨殄迹惟穀不開以陳皮柴
胡貝母茯苓甘草芍藥酒芍香附杏仁桔梗
調之而安二十七

一婦當暑月小便不利而痛玉戶腫且又便血發
熱左脉絃數右寸短弱此肺氣不足肝火太熾
蓋肝為血海肝又主小便玉戶為肝經所絡之
地治當踈決肝經壅塞俾氣暢則新血得以歸

經熱解則小水可不痛而腫亦可消矣以滑石
三錢桃仁當歸芍藥各一錢柴胡黃連各參
各八分川芎六分甘草桂皮白芷各三分四劑
而病如失二十八

族弟婦戴氏腹中痛多在臍腹白帶如注四肢痠
疼大便裏急後重已成赤白痢矣脉之兩寸關
俱滑數尺亦數以芍藥當歸黃連黃芩木香
枳即桂皮甘草滑石桃仁桔梗一劑而紅止惟
小水短澁下午發熱大便一日夜仍四行改用

白芍藥當歸白朮陳皮滑石甘草茯苓厚朴酒
連酒芩桔梗柴胡木香飲下諸症悉愈惟頭痛
腰疼再以桂心當歸白芍藥白朮茯苓甘草酒
芩酒連破故紙木通黃柏煎服全安二十九
族弟應章胃脘當心而痛手不可近疑有瘀血使
然玄胡五靈脂牡丹皮滑石川芎當歸甘草桃
仁桔梗香附水煎臨服加韭菜汁一小酒杯其
夜痛止得睡飲食亦進惟大便下墜逼迫不安
此瘀血已動欲下行也前劑減去韭菜汁一帖

全安三十

子弟淑南額痛遍身疼口乾舌胎黃厚左脉浮大
六部俱數時當神秋初旬以小柴胡合白虎湯
加羌活熱仍不退下午用六神通解散以葱湯
調服三錢熱稍退至半夜後又復熱額疼頂巔
尤甚舌根黃且焦黑小水赤痛煩躁不睡遍身
又痛此三陽合病暑症也次日以小柴胡大加
石膏為君藥本白芷竹葉粳米生姜大棗少頃
汗大出至足熱始盡退猶煩躁不睡仍以小柴

胡湯加桂枝山梔子竹茹竹葉飲下煩躁寧而
得睡餘熱悉平精神爽而向安矣三十一
一富家婦當神秋大小便秘者二日市師以芭豆
丸二帖大便瀉而小便愈秘脹悶臍突二寸餘
前陰脹裂不能坐卧啼泣呻吟欲求自盡此轉
疴病也柏樹東行根皮一寸滑石三錢玄胡索
桃仁當歸蘆麥各一錢水煎臨服入韭菜汁半
杯服後食頃而小便稍行玉戶痛甚小便非極
用力努之則不能出改用升麻桔梗枳壳玄胡

索煎成調玄明粉二錢乃提清降濁之意服後
大小便俱行始不脹急次日報云每大小便來
時腹中先痛有淡血水小便短再以丹參丹皮
當歸白芍藥甘草青皮香附玄胡茯苓山梔子
山查兩帖各症良安三十二

孫文約孺人年八十有三胃脘疼痛手不可近腹
中飢而飲食不能下兩寸關脉滑大兩尺沉弱
此血虛氣滯症也先與積氣丸一服而痛減半
再用生白芍藥山梔子五靈脂各一錢酒炒白

新部七卷

芍藥二錢粉草山查香附各八分一帖全安三十三

應童族弟。三陰瘧。發於子午卯酉。且已四越月矣。每發於夜。熱多寒少。左脉微絃。右關滑大。以二陳湯加柴胡黃栢川芎當歸黃連兩帖。而熱稍輕。飲食不進。四肢懶倦。脾氣大虛。白朮何首烏各三錢。鱉甲二錢。青皮七分。烏梅一個。一帖而截。三十四

太學程好吾。僮博洽士也。季春患西太陽痛。胸脇稍疼。口渴。大便水瀉。左脉浮絃。而數。中按有力。右關滑大。予曰。春溫症也。柴胡前胡葛根粉草青皮黃芩知母桔梗半夏麩石膏。半夜後得微汗。因起大便。感風續。又發熱。依然口渴。更覺煩躁。石膏三錢。知母柴胡各二錢。葛根黃芩各一錢。粉草桔梗各五分。竹葉二十片。兩進。而汗出。熱解。諸症悉平。四肢尚倦。口微乾。語言乏力。以生脉湯加薏以仁石斛甘草白芍藥黃芩調養如初。三十五

新部七卷

十九

令媳長卿之婦。腹中微疼。經行不流利。喉痛。四肢
麻木。作戰不知飢餓。右脉洪大如菀豆。以川芎
香附。麦芽。山查。烏梅。粉草。桔梗。酒苓。防風。荆芥。
白木。茯苓。四劑而安。次月經水大行。十日不止。
以黃耆。阿膠。蒲黃。各一錢。白芍藥。二錢。粉草。三
分。一帖而止。此後但覺濁氣下墜。屁從子戶中
出。以補中益氣湯。加酒炒黃連。調養而平。三十
六

族子應章之弟。十月發三陰瘧。至次年仲春未止。

每發於辰戌丑未日。午後寒。多熱。少夜有盜汗。
左脉軟弱。右關尺絃數有力。用白芍藥。當歸。各
一錢。白木。二錢。柴胡。川芎。粉草。砂仁。桂枝。酒苓。
各三分。生姜。三片。水煎服。再以何首烏。白木。鱉
甲。各三錢。柴胡。一錢。青皮。酒苓。甘草。各五分。烏
梅。一個。生姜。三片。水煎。臨發日。五更服之。兩帖
而止。後半月。下身大生瘡癩。以東坡四神丹。調
理而痊。三十七

油潭吳中岳孺人。先感風邪。後傷飲食。發熱頭疼。

腹中作脹醫與芭豆丸瀉之而熱不減後醫又以大黃重瀉之而熱亦如初再後醫謂瀉而熱不退者為虛大用參耆白朮補之補經四日神氣昏沉不知人事乃敷子胥左脉絃數右關尺沉數有力舌尖沉香色舌根焦黑芒刺語言含舌不清扣前服藥始知妄下妄補不思飢飽之餘痰氣為厲誤成壞症危而且殆姑以知母柴胡各三錢石膏六錢枳實天芩粉各五分粉草黃芩麥冬各一錢山梔子生地黃各七分入參

六分竹葉三十片生姜三片水煎飲之由夜後人事稍清微有汗舌稍柔和語言已不令苦駭駭然有生氣矣次日前方減去地黃加白芍藥舌心焦黑盡退諸症十減其七但大便五日未行遍身尚痛咳嗽與七製化痰丸二帖再以石膏二錢麥冬貝母各一錢前胡枳實黃芩梔子各六分甘草三分桑白皮八分煎服而安三十

鮑子五保時疫耳聾體有熱口乾大便五日不行

人事不清竹葉黃芩柴胡半夏麴甘草枳壳天
荅粉知母煎服而熱渴更甚大便行而瀉手攣
縮不能伸且發呃或又咳嗽改以柴胡石膏竹
茹人參甘草麥冬半夏麴橘紅黃芩黃連一帖
而呃止瀉除諸症悉罷而安眠矣三十九

僕子孫守以中麻咳嗽無痰上唇厚腫體熱大便
燥聲啞以麥門冬知母瓜蒌仁甘草白芍藥桑
白皮地骨皮石斛枳壳五味子服後嗽減其七
迺減去瓜蒌枳壳以其大便已溏加生地黃當

歸薏以仁調理而安四十

僕子得貴春溫頭痛體熱面赤舌心焦燥以石膏
柴胡葛根甘草黃芩知母天荅粉白芍藥服之
而舌不焦燥矣進粥太早半夜後又復發熱中
腕硬痛與夫柴胡湯一帖汗出津津大便行二
次腹痛不止乃以小承氣湯調下玄明粉一錢
大便又行二次熱不退而痛全減旋作鼻衄改
以石膏牡丹皮生地黃山梔子甘草升麻黃芩
赤芍藥一帖而熱散衄止四十一

元素姪令政春溫後經水適止餘熱不退口中甚渴胸脇痛而耳重脉左絃數右滑大而數小柴胡加石膏知母桔梗枳壳葛根瓜萸半夏麩服下而熱渴如舊改用柴胡二錢人參甘草天荅粉黃芩各七分白芍藥紅荅當歸牡丹皮知母各八分調理而瘳四十二

朱氏子天送時疾頭疼身若燔炭口渴氣促中脘刻熱潮更甚舌心焦黑遍體紫斑語言令苦不清時多發呃耳聾先治者誤進藿香正氣散而

加嘔逆水瀉又醫以紫荅湯嘔益甚熱轉增劇迎予為診六脉俱洪數此少陽陽明合病之疫以石膏五錢知母柴胡各三錢黃芩一錢五分半夏麩麥門冬竹茹橘紅葛根各一錢粉草枳實各五分服下熱退其七舌不燥矣再以柴胡半夏麩白芍藥竹茹各一錢石膏三錢麥門冬知母一錢五分黃連甘草人參各五分水煎飲之而斑退諸症悉平四十三

朱桃源內人胃脘疼年五十有一經水尚行不止

一月且二至每至十餘日不淨白帶淫淫下常苦夢遺近又眩暈先與積氣丸一帖以止胃脘之痛丹以逍遙散加石蓮子蓮苓心五倍子煉蜜為丸每早晚白湯送下二錢夢遺竟絕四十

桂亭兄壯年原有濕熱痰積年逾艾偶墜轎跌傷背脇專科以草藥敷貼於外內以藥酒攻之而愈越十五年左脇痛手不可近左脉絃數堅勁搏指小腹亦痛知為舊痰及痰積作祟以青皮

赤芍藥黃連當歸尾各一錢桃仁一錢五分大黃二錢滑石三錢水煎臨服調玄明粉一錢服下吐出痰涎枕餘大便僅行一次而左跨及腿膝皆痛夜睡不安由小腹痛甚之故此痰物欲行而未能也再與大黃當歸尾紅苓牡丹皮赤芍藥各一錢桃仁二錢滑石三錢青皮八分調玄明粉一錢再下之大便行三次皆沉香色稠粘痰物腹痛雖除疼仍在用乳香沒藥歸尾紅苓各一錢桃仁滑石各三錢大黃二錢川山

新編本草卷
甲丹參各一錢五分服後大便行四次所下皆
紫黑如筋膜者不可勝計諸病悉減因食鷄湯
牛肉臍腹又痛裏急後重此餘積未盡欲再下
之舉家驚怖謂六旬已外之年已下數次恐脾
弱不能再下予曰醫貴認病何以年齒數下拘
哉今藥力到而積已動矣破竹之勢可迎刃而
解若失時姑息恐它日滋蔓欲下難動也行後
而補庶無反顧之憂大兄然之以紅苓桃仁當
歸尾赤芍藥山梔仁玄胡索牡丹皮川山甲滑

石煎調玄明粉下二次紫黑瘀物如前之半腿
跨小腹痛則俱釋次日用人參茯苓白芍藥粉
草陳皮山查桂心當歸半夏調養半月精神步
履飲食一如舊矣四十五

江右熊二官疫後食復額痛口渴譫語神昏面青
舌黑鼻中停灰不省人事小水短少勢已危急
以小柴胡湯減去半夏加石膏知母當歸山梔
子豆豉枳實急與服之一飲便得微汗熱退大
半次日以柴胡滑石甘草知母石膏人參桔梗

黃芩天荅粉與之。舌黑始退。人事乃清。飲食纔進。霍然生矣。四十六

堂弟東里丙子咳嗽吐紅。發熱頭眩。脚膝乏力。先已服滋陰降火十數劑。不愈。飲食漸少。精神漸羸。懇予治之。兩寸脉。芤如貫珠。兩尺俱軟弱。此上盛下虛之候。上盛者。痰與瘀血也。下虛者。腎陰弱也。且生平好飲。不無助熱。法當先清上焦。化去瘀血宿痰。然後以養陰藥收功。則病根可刈。癆瘵可免也。用貝母枳殼桑白皮清肺化

痰。滑石桃仁牡丹皮小蘗。消除瘀血。山梔子甘草白芍藥。養血以祛餘熱。三帖後。紅漸稀少。前後心始不脹痛。惟咳嗽不止。大便結燥。減去滑石桃仁。加瓜蔓黃芩紫苑。調養而平。四十七

由溪程竹坡孺人。年過六十。為痰所染。頭疼口渴。舌胎前黃燥。後紫黑。身熱沉重。人事昏憤。語言錯亂。小水短澀。嘔逆煩躁。合目不開。謔語不輒。耳聾胸脇痛。時五月初旬也。迎予為診。左浮而絃數。右洪長而數。診畢。仲君清夷問曰。何症。

予曰此熱病類也。清夷曰：因體熱便名熱病乎？予曰：否否。仲景謂春溫過時為熱病，矧茲又為熱癘也。邪在陽明少陽二經，又問曰：可生乎？予曰：脈症對可生也。此症遠適染延甚夥，不足怪。清夷曰：適方和宇亦云少陽陽明二經之病，二公所見既同，乞商確一方為幸。予與和宇診多符合，即以柴胡石膏為君，知母麥門冬天花粉竹茹為臣，黃連為佐，甘草枳殼桔梗為使，連進兩帖，丑刻微汗，熱退神清，不虞即進葷粥，下午

又復大熱，譫語昏沉，舉家驚怖。予曰：此食復，即以小柴胡湯加山梔子枳實淡豆豉鱉甲四劑，復得汗，熱從散去，神頓清爽，仍口渴煩躁，以生脉湯加黃連香薷竹茹竹葉而安。四十八程家內眷，截溪汪氏女也。乃夫歿於疫癘，新寡七日，疫即及之。大熱，頭疼，口渴，胸脇併痛，醫與小柴胡湯，夜忽夢失交洩，而覺冷汗淫淫，四肢如解，畧不能動，神昏譫語，面如土色，舌若焦燥，強硬，近予診之，六脈沉絃而數，大小便俱秘，此亦

陰陽易顛也。復後有是危已極矣。予以生脉湯加柴胡黃芩桂枝甘草水煎成。將乃夫昔穿舊袴襠。燒灰調下。兩劑而神醒。體溫汗斂。舌始柔和。焦亦漸退。次日仍以前方加酸棗仁竹茹。四肢始能運動。乃飲粥湯。僅一子。甫十歲。一女。甫十四。繼被疫困。均以六神通解散。汗之而安。妯娌及婢輩六人。皆六神通解散。瘳之舉。家德。予以為再造。再造。四十九。

族姪大學從明夏初由客邸患滯下。調半痊而歸。

因食隔宿猪首而復。裏急後重。晝夜三四十度。日漸沉困。口渴胸高焦辣。手心熱。腹微痛。小便少。每解時先乾噦嘔惡。汗出飛飛。下皆稠粘紫黑血。無糞。彼素知醫。且慎重。不輕服入藥。敷子胥之脉。左沉絃。右滑數。面色外黑內黃。飲食不入。肛門辣疼。予以渠原稟薄弱。今遠歸途。次不能無勞。不敢踈下。姑以胃風湯加黃連與二帖。不効。腹稍加脹。渠叮子曰。古云無積不成痢。願積斂膠固。切勿用補。無以體素弱為疑。子曰諾。

改用黃芩芍藥湯三劑無進退。迺私語渠姪元亮曰。令伯之症實實虛虛。熱熱寒寒。寔不易治。且穀食禁口不入。乾噦可慮。須得明哲參治。元亮從容言之。欲得方古。壞為翼。諸相契及內眷。迺相讚言。太學不從曰。吾豈不重命而吝費哉。顧新都之醫無如叔最明。吾之交無如叔最厚。舍叔安所倚。元亮曰。叔祖善矣。能用人之長。得一雋商確。可無後慮。太學佛然曰。知莫貴於知心。吾知其心久矣。專任勿疑也。子知渠信任堅。

若金石。益加研究。圖欲先開胃口。使新穀食。宿穢壓出。或補或攻。視緩急以為方畧。迺肯囑元亮曰。令伯非人參不可。幸且勿露。俾子得以盡技。元亮曰。諾。迺倣朱丹溪法。用人參黃連各二錢。煎濃。細細呷之。但得一呷。下咽。胃口便開。噦惡便止。蓋胃口虛熱衝上為噦也。其日用之噦惡。即止大半。連與兩日。覺胸腹脹。即以保和丸應之。覺小水不利。又以清六丸應之。裏急後重。以參朮加苓連木香枳。即滑石桃仁應之。人

參皆背加。太學不知也。渠每診必叮予曰。日來疾稍平。叔之力也。幸勿遽補。恐廢前功。予曰。如教。詎知入參已服過十日。計二兩許矣。此後脉僅四。軟而無力。憶丹溪云。虛回而痢自止。又云。氣虛甚者。非附子不能行。參著過。以胃風湯加黃耆。附子。姜炭。四劑。而血全無。後重亦止。惟大便瀉而不實。所下俱黃糞。渠知積滯已盡。始欲理脾。用參苓白朮散。服十日。便仍不實。迺問予曰。補脾而瀉不止。柰何。予曰。據脉。迺下元虛。

寒殆腎洩。非脾洩也。溫補下元。則固矣。蓋脾胃之關。初不敢用下劑者。慮有今日也。教以兔絲子。破故紙。杜仲。山茱萸。人參。大附子。白茯苓。澤瀉。四帖。全瘳。里中稱太學能知人。而予不負所任也。五十

查少川公。年四十三。夙有哮喘疾。每發則遍身如瘵。氣音貢。上騰。息息短促。喉中痰聲。响若湯沸。經七晝夜。汗而漸平。居常嗜飲。通宵不輟。醉後縱慾。不避風寒。族中有教。以石膏。麻黃。杏仁。枳

亮細茶各一兩。作大劑飲之。名曰五虎湯。喘至
即以此禦之。隨飲而止。屢發屢進。應若桴鼓。公
喜甚。時為保命丹。寓大通一月。邑中麻黃石膏
為之缺市。詎知情慾無窮。胃中冲和有限。三年
之間。飲五虎者。殆不可以數計。而胃中之冲和
者。亦不知損之何若也。因而腹大若覆箕。兩腿
光腫如柱。內外癰疥瘡中。清水涓涓流之。不竭
晝夜。腥氣逼人。不能伏枕而卧者。五越月。自儀
楊醫起。聞京口之醫如何。如張者最良。遍延治

之彌月。卒無一驗。又舍京口。抵姑蘓。歷嘉杭。凡
有名者。悉迎療之。而勢益劇。昇回至岩鎮。鎮醫
擅名者。吳與方也。先詣吳。吳駭駭不治。就方。方
診視久之。曰。公疾非常。必得非常人。迺可已。公
曰。先生世家大方。昔在兩淮。且人人引領。願得
先生。一診為快。何我棄而使需非常人也。今世
非常人。舍先生其誰。方曰。嘻。公貴邑孫生生者。
名動三吳。今歸不出。亟迎治之。或可無恙。公扣
孫生生居何里。狀何若。方書子姓氏里居與之。

歸即懇程公山氏紹介。遂予時長至。後一日也。至則見公坐高椅之上。氣高而喘。身熱而煩。覆以綿被。足納火箱。前後左右環火。五盃首戴絨帽。帽外籠以貂套。套外仍束一帕。鼻用絨套籠之。門設重幔。猶凜凜怯寒。診其脉浮大無力。睇其色白中隱青。徐問公曰。惡寒身熱。從何時起。公曰。十日。予曰。據色據脉。予已得其概矣。公歷數府各家認為何症。擬何湯劑。請詳述之。公曰。衆論落落不一。先生學博。見真願。惟命。予曰。公

疾。廼氣虛中滿。法當溫補下元。人徒知利小便。不知小水不利者。由下焦之氣不充。不能滲從膀胱。故道而行。若利之急。則汎濫而橫流。肌膚下於陰囊。甚則脹裂崩塌而出。若使下焦杜盛。則小水自通。譬之甌炊釜底水。火交旺。甌中之氣自然蒸騰。若霧若露。內經曰。上焦開發。宣五穀味。薰身充膚澤毛。若霧露之灌溉。是謂氣。故曰。上焦如霧也。清陽升。則濁陰降。降下則為小水。故曰。下焦如瀆也。瀆者水也。言下焦為決水。

之官。水道出焉者是也。人之汗即此霧露之氣。小水即降下之氣。蓋氣者水之母。由氣化而為水。故又曰氣化則能出矣。融泉理而觀之。總由下焦元氣壯盛。斯能升降變化。清陽升濁陰降。即地天交之泰。陽不升。陰不降。即天地不交之否。否者塞也。此脹滿之所由生也。公之疾起於五虎湯。致臟寒。生滿病也。公曰善。吾廼今始知致病之源。第近來身熱手熱。鬲內焦辣。而外惡寒。竟不解。孰為熱。孰為寒也。予曰仲景云。傷寒

必惡寒。由寒邪在表而然。合先散之。胸膈焦辣者。廼陰盛格陽。虛陽之火。被寒氣驅逼上行。非真熱也。經云水流濕。火就燥。但得下元一溫。熱自下行。公曰然。唯先生命劑。予以紫蘊馬蹄葶。炙甘草防風白豆仁蒼朮陳皮人參羌活生薑一帖。而得微汗。悉徹去環列之火。僅存足底一盆。首上所覆之帕亦去。獨鼻寒如初。廼用防風黃著二兩煎湯。置器中。令薰其鼻。飯頃而止。一日凡三薰。次日鼻寒亦除。嘔惡不止。用人參溫

新編一卷
三三
膽湯加丁香進之一帖而止。又謂鯉魚能利水，一日盡二斤半，夜脹極，迺告急於子。子曰：病執如是，固迺繼恣若此等閑之劑，曷能消釋？沈思久之，以平胃散一兩入椒攪肉一兩水煎飲之，兩劑而定。獨腹脹小水不利，不能伏枕，為苦酒以附子理中湯加砂仁補骨脂赤小豆桂心連進四帖，小水畧長，繼以尊重丸，日三服之，每服五丸，五日後小水通利，可貼席而睡，守此調理，腹脹漸消，兩月大平。三月而公出市，市中人信

手寔從公始 五十一

夏益吾肢節腫痛，手足澹痛，腫尤甚，不能動止。凡腫處皆紅熱，先起於左手右足，五日後又傳於左足右手，此行痺症也。且喘咳氣湧，不能睡，左脉浮數，中按絃，右滑數，迺濕熱風痰壅遏經絡，而然。以茅山蒼朮姜黃以仁歲靈僊秦朮知母桑白皮黃柏酒芩麻黃水煎服下，而右手腫消，痛減，夜服七製化痰丸而嗽止，迺得睡。再劑兩足澹消，其半。左手經渠列缺穴邊腫痛殊甚，用

以仁蒼朮秦艽甘草天荅粉五加皮石斛前胡
枳壳葳靈僂當歸旋服旋愈五十二
初陽姪迺政先時咳嗽諸治無功且嗽急則吐用
碧玉散二錢白湯調下立止後半年復咳嗽胸
背隱隱疼痛身常內熱咳出桃荅膿不可勝計
腥穢之氣甚惡右脇并乳脹痛脉洪數大便燥
肌瘦骨立此肺癰症也用貝母茜根白芍藥各
一錢知母麥門冬山梔子紫苑各八分桑白皮
當歸牡丹皮杏仁各七分薏以仁一錢五分甘

草葶藶各五分水煎服之服此甚安但要常服
若一缺藥其疾便發據此肺竅中痰積瘀血尚
多未能即去宜緩圖之書云俟膿去盡當自愈
也愚謂丹溪雖有此言亦不可固執設不以藥
消化之必俟其膿自盡恐歲月深而有他變且
中年之人何能當此莫若清熱潤肺消痰化痰
久而服之或早愈也方黃吳諸公謂久咳傷肺
每每投補屢被紊之每補必增熱加痛加咳而
膿轉多予曉之曰諸公之意誠良其如病如何

是姑息之謂也。古人不務姑息，惟以去病為安。夫姑息可以養病，非所以去病也。獨汪無懷然予言守中法，二年良愈，肌長如初。五十三。

族姪仲木，內人賢淑婦也，不育多鬱，腹脹左脇不能側卧，亦不能仰卧，仰側卧即氣湧，每午夜背心作脹，氣喘吐痰發熱，必起坐，令人指摩久之始定，面有浮氣，右寸關脈滑大有力，此氣鬱食積痰飲症也。蓋憂思傷脾，思則脾氣結，氣結不行，則五穀之津液皆凝聚為痰，故喘急作脹先

與定喘湯二帖，而無進退。繼用核桃肉五錢，杏仁三錢，人參、桑白皮各七分，水煎服之，氣喘迺定。惟腹中脹急，改用橘紅、半夏、麩木香、白芷仁、鬱金、蘿蔔子、姜連、香附、茯苓四劑，大便痰積隨下，腹脹尋消而愈。五十四。

族姪孫女年甫十歲，大便脫肛，鼻中時常出血，夜多咬牙，肝熱面黃，將成疳症。以山查、青蒿、枳實、升麻、酒連、滑石各一兩，甘草、蘆會、乾蟾各五錢，俱為末，神麩糊為丸，一料全愈。五十五。

唐岩祈首秋患痢赤白。延至次年春分不愈。腹中作脹。不知餓。每行動則氣喘。四陽之末皆冷。陰囊腫。大便日夜十數行。而肌肉甚瘦。小水短少。飲食減半。面黃。兩跗腫大。及踝。與平胃散加酒連猪苓澤瀉升麻防風酒炒白芍藥薏以仁外與香連丸合益元丸相兼服。四日而痢止。迺知餓而加食。精神爽快。再四劑。兩跗陰囊之腫皆消。惟咳嗽。用薏以仁酒炒白芍藥粉草澤瀉杏仁桑白皮陳皮姜連茯苓姜黃葛根蘿蔔子二

帖而嗽除。但體乏力。與六君子湯加補骨脂。以仁滑石紅麴酒炒白芍藥桔梗麦芽調養半月而全瘳。五十六

姪婿程東山仲夏患休息痢。所下皆紫血。腹痛。迨清明猶不愈。醫藥備嘗。體倦肌瘦。或三五日一發。或七八日一發。發必三日。迺止。予為診之。左瀉而右滑。據脈有瘀血痰積。近來小水不利。姑用四君子湯加滑石紅麴陳皮山查澤瀉升麻。服後微覺有熱。改以四君子湯加滑石桃仁紅

麴酒連神氣稍旺。脾氣始回。廼用番鴨胆三錢
下之。果去紫黑血塊。及如敗魚腸者半桶。從此
痛除痢止。次日以六君子湯去半夏加酒炒白
芍藥山查紅麴滑石桃仁升麻調之。報云胸膈
作脹恐積滯未盡而服參朮欲再下之。予為再
診。兩寸短弱。兩尺洪大。前日滑濇。二脉俱無。此
陽虛下陷之候。宜當大升大補。以六君子湯大
加黃耆為君。酒炒芍藥為臣。升麻桔梗為使。服
此胸膈寬快。精神亦好。惟肛門熱。前方加酒連。

減半夏脫然平安 五十七

陳氏婦腸鳴腹痛。大便溏瀉。合目即汗出。下午潮
熱。醫謂潮熱盜汗。廼虛怯之症。加之洩瀉。脾氣
壞矣。視為不治。免予診之。右脉濡數。左脉洪數。
予曰。此鬱火痰積症也。蓋憂傷肺。思傷脾。飲食
因而。不化。積而生痰。故腹痛溏瀉。但理中焦。消
去痰積。可瘳也。以四君子湯加半夏。麴滑石。紅
麴。麥芽。以仁酒炒。白芍藥。酒炒。黃連。牡蠣。桔梗。
八帖。而病去如釋。 五十八

九德姪耳鳴氣築築然閉而不通鼻塞不利口不知味痰多而高熱不清脉左浮而絃大右滑大俱數內經云頭痛耳鳴九竅不利腸胃之所生也此由胃中痰火上壅熱極生風廼以蔓荊子升麻木通赤茯苓桑白皮麥門冬生地黄前胡甘菊荅赤芍藥甘草石膏生薑三片東子一枚水煎飲之四帖左絃雖減半而症尚如前再用甘菊荅橘紅半夏麩荅荅甘草知母白芍藥酒麥麻黃石膏桑白皮桔梗加姜枣又四帖而諸

症悉平後以六君子加酒連柴胡川芎白芍麥門冬升麻兩帖飲食亦其味矣五十九

陳覺字文常山縣人也年四十有三體肥患痰火十年多矣每月必一發或勞心過度則一發吐痰身熱吼喘飲食不進不能倒頭而睡合目則亂語面赤頭痛遍身痰氣走動牽扯作痛必俟吐痰後則耳始不鳴目始不泪素服風痰藥南星半夏之類不効後服參耆則亦僅止四五個月診其脉兩寸洪滑兩尺沉微殆上盛下虛

之候法當清上補下以橘紅貝母茯苓甘草桔
梗杏仁前胡鈎藤天麻酒芩枳壳水煎服之夜
進七製化痰丸再以八味丸加人參麥門冬五
味子空心服之半年而瘳六十

程紹溪中年患鶴膝風症兩腿及腳肚內外臃肉
盡削獨兩膝腫大迺酒後縱飲所致經治蘓松
嘉湖杭嚴六府視為痼疾且四肢臃疥連片淫
爛腫臢臭惡難近自分必死家人以渠病久醫
藥破家今則衣食不祗無門求生矣渠有親為

予鄰家偶言及渠病之異家道之窳予聞惻然
鄰素知予不以窳異為憚懇為一看予携神子
泰來同往令渠沐手診之左寸關浮數右寸短
弱兩尺沉微此氣虛血熱之候法當大補氣血
壯其筋骨猶可冀生病者聞言命家人子媳羅
拜於地請藥予曰病勢已痼非百日不見功蓋
補血無速効日浸月潤漸而濡之關節通利骨
正筋柔腿肉自生初以龜板以仁各三錢蒼耳
子五加皮頭二蠶沙節節香各一錢當歸人參

黃耆蒼朮杜仲黃柏各八分紅苓五分水煎服
之十劑而瘡疥漸稀精神稍長再以薏仁五
加皮龜板各二錢節節香蒼耳子地黃丹參蒼
朮黃柏何首烏各一錢人參當歸各八分紅苓
木通各五分三十帖足可倚杖而行腿肉漸生
瘡疥盡愈膝腫消去其六後以虎潛丸加鹿角
膠何首烏金毛狗脊節節香牛膝用龜板膠為
丸服三越月腿肉復完出之茗上茗人嘖嘖稱
奇悉錄其方以布六十一

予堂嫂程氏喉間有物如鸞咯之不出嚥之不下
梗梗不安腹中痛且瀉年五十有八矣迺梅核
氣症也腹痛迺新疾以二陳湯加旋覆蒼白朮
香附紫蘓桂皮厚朴澤瀉四劑腹痛仍在瀉亦
不止迺用胃苓湯加麦芽砂仁香附二帖痛止
瀉瘳仍用二陳湯加厚朴桂皮紫蘓旋覆蒼細
莘人參煎服四帖而喉中病去如失六十二
一婦先傷風發熱咳嗽二日迺分晚熱尚未退又
食鷄汁肉等太蚤咳嗽發熱愈盛已八日矣胸

面脹痛頭痛口渴大便秘咳出之痰色黑而臭
小水短少脇下扯痛氣逆而喘不得卧左脇不
能着席汗出不止症甚危急予以瓜萸五錢紫
蘓子一錢枳壳酒芩各六分前胡桔梗各五分
粉草三分生姜三片水煎飲之胸膈之痛減半
氣喘稍定次日再進前藥大使用蜜束導之熱
盡退痛盡減諸症尋愈六十三

某嫂孀居二十年矣右癱不能舉動不出門者三
年今則神情恍惚口亂言常悲泣詰其故荅曰

自亦不知為何故也診之兩寸脉短瀯以石首
蒲遠志當歸茯苓人參黃耆白朮大附子晚桂
沙陳皮粉草服四帖精神較好於前但悲泣如
舊夜更泣予思仲景大棗小麦湯正與此對即
與服之兩帖而瘳方用大棗十二枚小麦一合
大甘草炙過三寸水煎飲之此憂傷肺臟寒
故多泣也六十四

桂亭大兄原因墜轎跌傷腰脇脹痛不能轉側咳
嗽弔痛用三製大黃二錢桃仁一錢五分杏仁

紅蒼天荅粉各一錢。穿山甲八分。甘草五分。水煎服之。兩帖而大便秘行。繼以五加皮紅蒼川芎當歸生地黃白芍藥丹參甘草桃仁穿山甲柴胡煎四劑飲之。而痛大定。後因過食葷腥。咳嗽腰痛。右肩背墜痛。素有濕熱痰積。以葳靈僂紫蘊子枳實酒芩半夏麴瓜萋仁甘草陳皮姜黃防風羌活服。後腸鳴坐則重墜。此痰積已動。欲行而不可得也。與穿山甲當歸尾紅蒼杏仁枳殼大黃蘿蔔子川芎莪朮青皮服。後大便秘下。

稠積穢痰甚多。痛隨減去。以保和丸調理而安。
六十五

堂嫂王氏。兩寸脉洪大。右關滑大。五六月間必吐紫黑血塊。足跟焮腫。痒痛。時流黃水。與牡丹皮山梔子玄參甘草白芍藥當歸陳皮滑石桃仁四劑而愈。
六十六

